

# Hassler tema consequenzas per l'alpegiar

Iniziativa «Per salaris minimal»

■ (rtr) L'iniziativa per salaris minimal che va en votaziun ils 18 da matg pudess avair consequenzas negativas per ils manaschis alpesters, quai tema il cusseglier nazional da la pbd e president da l'Uniu purila grischuna Hansjörg Hassler. Quai pervi da la paja per ura da 22 francs che l'iniziativa dals sindicats pretenda. L'agricultura e l'alpicultura, nua ch'ins lavuria in bun ton dapli uras ch'en autras professiuns, na possian betg purtar quai, tema Hassler.

## Dis da lavur bler pli lung ch'en autras branschas

Cun quai ch'i vegnia lavurà bler dapli che 8 uras al di stuess ins auzar las pajas fermamain en l'agricultura e per il personal dals manaschis alpesters. Tut en tut fissi quai bler dapli ch'ina paja mensila da 4000 francs, sco quai ch'ils sindicats pretendian cun lur iniziativa. Metter la biestga ad alp vegniss uschia bler pli char,



L'iniziativa per salaris minimal che va en votaziun ils 18 da matg pudess avair consequenzas negativas per ils manaschis alpesters, di Hansjörg Hassler. RTR

custs ch'ils purs stuessan pajar, avertesch *Hansjörg Hassler*.

## Ils sindicats vesan quai auter

La branscha da l'agricultura possa senz'auter pajar e purtar salaris da 22 francs l'ura, respunda dentant l'Uniu

sindicala svizra. Ins haja fatg quellas calculaziuns, di il pledader *Thomas Zimmermann*. Il problem na saja betg il salari minimal da 22 francs, mabain il fatg ch'ils purs na survegnian betg avunda dal pretsch ch'ils consuments pajan per ils products agriculs.